

Y-6133.

F2.

(Reserve.)


(1) Pell. 4406  
G.K. 1347

(2) Pell. 4358  
6 v. 7947  
Inc. duf. a2

Ye

26-87

++



Cy est la danse macabre des fēmes  
toute hystorier z augmētee de nou  
neaulx personnaiges avec plusieurs  
dis moraulx en latin et francoys q̄  
sont enseignemens de bien vivre  
pour bien mourir

a.i.

Leo meluenda premis mortales. omnibus Una Dorsata sed subia,  
 nec fugienda venit. Circuit et surgens sol vitam prestat. et item.  
 Cum cadit annus illat quod nichil ante fuit. Sic dat. sic retrahit.  
 iterum trahet. atqz retraxit Omnia. sol girans quod dedit. ipse trahit



### Lacte.

Mirez vous icy mirez femmes  
 Et mettes voire affection  
 A penser a voz poures ames  
 Qui desirerent saluacion  
 Cy bas nest pas la matission  
 On vous deuez estre tousiours  
 Mort met tout a destruction  
 Grâz z petit meurt tous les iours

Pour noblesse ne pour honneur  
 Pour richesse ou pourrete  
 Pour estre dame de valeur  
 Ou femme de mendicite  
 Ne differe mort equitez  
 Mais autant dune part q d'autre  
 Sans auoir mercy ne pite  
 Huy pret lune et demain la autre

a.ii.



**L**udite formose fener'z es canfate puelle. Nam defluunt anni moze fluentis aquae  
Nec que materiū tetum reuocabitur. Dinda. Nec que prietati hora redire potest



#### Le premier meneatel

Benez dames et damoilelles  
Du siecle z de religion  
Defues;mariees z pucelles  
Et autres sans exception  
De quelconque condicou  
Toutes danser a ceste danse  
Vous y venrez vueilles ou non  
Qui saige est souuent y pense

#### Le second.

Quelz sot voz corps ie vous demade  
Semes iolies tant bien paree  
Alz sont pour certain la viande  
Quin iour sera aux vers donnee  
Des vers sera donc deuoree  
Notre chair qui est fresche z tendre  
Ja il nen demourra goullee  
Voz vers apres deuendront cendre

#### Le tiers.

Compaignon bonne est ta raison  
De ses femmes oultreuidées  
Que leurs corps sera venaison  
De vers puans vng iour mengées  
En pourroyent elles estre gardees  
Pour or:argent ne rien qui soit  
Mennay,bien sont doncques abusees  
Qui ne lamende il se deçoit

#### Le quart.

Semes mirez vous en vng tas  
Hossemens de gens trespassiez  
Lesquelz ont en divers etas  
Au monde este leurs temps passiez  
Et maintenant sont entassez  
L un sur l autre gros et menuz  
Ainsi serez. or y penlez  
La chair pourrie les os tous nus

**E**y d'eter nalis posita est le p're : sed esse certos : sub sole perpetuare nichil.  
**E**y d'eter nalis posita est le p're : sub ipso subdola misericordia effuso la jace fusa.



### La mort.

Noble royne de beau corsage  
Gente et ioyeuse aladuenant  
J'ay de par le grāt maistre charge  
De vous en mener maintenant.  
Et comme bien ch'se aduenant.  
Ceste danse commence ces  
Sautes deuost au remenant  
Vous qui vivez aussi felies

### La royne

Ceste danse mest bien nouuelle  
Et en ay le creut bien surprins  
De dieu: quelle dure nouvelle  
A gens qui tie lont pas apres  
Las en la mort ell' tout com pris  
Roi ne dame.grāt ou petite  
Les pl<sup>e</sup> grās sot les p'miers pris  
Contre la mort na point defuyre

### La mort.

Apres ma dame la duchesse  
Ho<sup>e</sup> vien quect et pourthalter  
Ne pensez plus a la richesse  
A bens ne ioyaute amasser  
Auourd'uy vous fault trespasser  
Pourquoy de vostre vie est fait  
Volte est de tant embrasser  
On n'importe que le bienfaist

### La duchesse.

Je nay pas encor e trente ans  
Helas: a leure que commence  
A scaudoir que cest de bon temps  
Mort me vient toller ma plassace  
J'ay des amis: et grant chevaunce  
Soulas, et das, gens a deuis  
Pourquoy mois me plast ceste danse  
Gens ailles li meurent envie

*Passibus inuigilat nostris mores: omnia rotere. Nec sinit esse diu quicquid in cibis suis  
Continuo cadimus viuentes. filia sororum. Atropos accipiternis emula sepe venit.*



### La mort.

*Ore ca ma dame la regente  
Qui avez renom de bien dire  
De danser: fringuer: estre gente  
Sur toutes quon scauroit estire  
Vous sollez autres faire rire  
Festier gens et ralier:  
Ore il temps de vous reduire  
La mort fait tressout oublier*

### La regente

*Quant me souvient des tabourins  
Harpes: festes: harpes: trompetes:  
Menebrelz: doulcines: clairons:  
Et des grans cheres que iay faictes  
Je congnois que telz entrefantes  
En temps de mort nont point de lieu  
Mais courront en poures emplaintes  
Tout le passe sois aymer dieu*


### La mort.

*Gentille femme de cheualier  
Que tant aymes dedust et chasse  
Les engins vous fault habiller  
Et luyure le train de ma trassie  
Cest bien chasse quant on pourchasse  
Chose a son ame mercitoire  
Car au derrain mort tout enchasse  
Cette vie est moult transitoire!*

### La feme du cheualier

*Nas si tost mourir ne cui doye  
Et comment dea ie souuppe hier  
Sac herbe verte a la saulsoye  
Qui fis mon espreuier gayer  
En riens plus ne se fault fier  
Et quest ce des fais de ce monde  
Huy rire demain le moyer  
La fin de ioye en duell redonde*

fluctibus aut morbo. seu flammis. strage. Veneno. Macra fames.  
calidum frigora. cura. nocent. Ergo quis in tantis possit cras dicere  
Diuam Cum videat quotiens mors male visa ferit



### La mort

Dame abbelle vous lesseres  
L'abbaye quavez bien aymee  
Qu'un peu de bié n'emporteres  
Plus n'en seres dame appellee  
Notre croise dargent doree  
Une de voz seurs portera  
Qui apres vous sera sacree  
Tout fut austruy: tout y sera

### Abbelle

Le service hier ie faisoye  
En le glise comme abbelle  
Et ma croise dargent portoye  
A matines et a la messe  
Et aujourduy fault que ie lesse  
Abbaye croise et couvent  
De dieu de ce monde quest ce  
On est de mort sourprins souveit

### La mort

Dame ploies voz gogerettes  
Il nest plus temps de vous farder  
Voz toretz fronteaulx z bauettes  
Ne vous pourroient icy aider  
Plusieurs sont deceupz par cuider:  
Que la mort pour leur habit fleche  
Chascun il deust bien regarder  
Par habit mainte feme peche

### La femme de lescuier

He: quay fe mettait ou mesdit  
Dont doye souffrir telle perte  
Jauoye achete au landis  
Du drap pour taindre en escarlete:  
Et eusse eu vne robe verte  
Au premier iour de lan qui vient  
Mais mon emprise est descouverte  
Tout ce quon pense pas nauient

a.iii.

Non sicut ut video vane confidere vite In qua nulla fides est nisi  
certa mori. Finge quod aspicias morientem: sed freme: namque  
Consimili pena te vocat una dies



### La mort

Se vous avez sans fiction  
Tout vostre temps serui a dieu  
Du cuer en la religion  
Laquelle vous auoit vestue  
Celluy qui tous biens retribue  
Vous compensera loyalmant  
A son vouloir: en temps et lieu  
Viéfait quiert avoir bon paimet

### La priere

C estoit en ma religion  
Seruir a dieu tout mon desir  
En cloystre par deuocion  
Dire mes heures a lessir  
Or mest venu la mort laisir  
Au monde nay point de regre  
Face dieu de moy son plaisir  
Preindre doit on la mort en gre

### La mort

Venez apres ma damoiselle  
Et serrez tous voz affiquetz  
Nechault se estez laide ou belle  
Lassier vo fault plait et caquetz  
Plus ne ires a ses bancquetz  
Ou on sent si souefle au rose  
Ne verrez iouster a rouquetz  
Femes font faire moult de chose

### La damoiselle

Que me vallēt mes grās atours  
Mes habitz, ieunesse, beaute  
quār tout me fault lesser en plours  
Sultre mon gre et voulente  
Mon corps sera tantost porte  
Aux vers et a la pourriture:  
Plus nen sera bale: ne chante  
Joye mondaine bien peu dure

**E**st bieus illa dies hodie, quia forte dierum **E**st michi sola dies. heu  
metuenda dies. Altqz horreda dies. quia tunc michi meta merendi  
**C**lauditur. illa dies leta ve. dita ve dies



### La mort

Et vous aussi gente bourgoise  
Pour neāt certes vous excuses  
Il est force que chascun voise  
Comme veez, et aduisez  
Doz beaux gorgias empesez  
Ny font rien, ne large sainture  
Maintz hommes en sont abusez  
En tous est atz il fault mesure

### La bourgoise

Mes getz et colletz de letisses  
Ne me exemptent point de mort  
Mais mes grās ioyes et delices  
Me viennent icy a remort  
Ma conscience fort me mort  
Des folies faictes en ieuresse  
Qui me sont a rebours fressort  
Joye en la fin tourne en tristesse

### La mort

Femme vefue venez anant  
Et vous auancez de venir.  
Vous veez les autres dauant  
Il conuient vnesoys finir  
Cest belle chose de tenir  
Lestat ou on est appellee  
Et soy tousiours bien maintenir  
Vertus est tout par tout louee

### La femme vefue

Depuis que mon mary mourut  
Jay eu affaire grandement  
Sas ce que aucun me secourut  
Si non de dieu gard seulement  
Jay des enfans bien largement  
Qui sont ieunes et nō pourueux  
Dont iay pitie: mais nullement  
Dieu ne lesse aucūs despourveux

Ditum suum queqz repetunt. terramqz sequuntur. flos fluit.  
Umbra fugit omnia nata cadunt. Nil reputo longū. dubius  
quod terminus angit Crastina forte dies. est michi sola dies.



### La mort

Alons oultre gente marchande  
Et ne vous chaille de peser  
La marchandise quon demade  
Cest simplesse dy plus muser  
A lame deusles aduisier  
Le temps sen va heure apres heure  
Et nest tel que den bien user  
Le merite z bielait demeure

### La marchande

Qui gardera mon ouurouer  
Tendis que ie suis a malaise  
Mes ges ne feront que iouer  
Les biés leur viennēt a leur aise  
A dieu ma balance z ma chaile  
Ou iay eu les yeux diligens  
Pour pl<sup>e</sup> cher védre dont me poise  
Anarice decoit les gens

### La mort

Apres ma dame la balline  
Des quaquetz tenus en leglise  
Jugie avez par raison vine  
Maintes ges a la vostre guise  
Je vous signifie main mise  
Pour pouruoir d'autre en voz lieu  
Car aujourduy seres demise  
Point ne se fault iouer a dieu

### La balline

Que femme se plaint de legier  
La coutume nest pas nouvelle  
Et sentremettre de inger  
Des fais d'autruy z no pas delle  
Chascune se repute telle  
Que ce quelle fait est bien fait  
Quonques mal ne fut dit par elle:  
Il nest riens au monde parfait

Proth quicunqz dies sibi longos estimat: errat. Nulli est tota dies vivere tuta dies.  
frustra dico dies: sic mentio nulla dictum. Cum sit nulla dies bona nec hora quies.



### La mort.

Pour vous montrer vostre folie:  
Et quon doit sur la mort veiller  
Sa la main espousee iolie  
Allons nous en deshabiller  
Pour vous ne fault plus traveiller  
Car vous viendres coucher ailleurs  
On ne le doit trop resveiller  
Les fais de dieu sont merueilleux

### Lespousee.

So la fournee quauoye delire  
Dauoir quelque soye en ma vie  
Te nay que duell et desplaisir  
Et si fault que tantost deuie  
Ne mor: pourquoy as tu enuie  
De moy: qui me prens si acoup  
Si crant faulte nay desserue  
Mais il fault louer dieu de tout

### La mort.

Femme noutrie en mignotise  
Qui dormez insques au disner  
On va chauffer vostre chemise  
Il est temps de vous desleuuer  
Vous ne deuillez iamais leuner  
Car vous etes trop mesgrez vusde  
A demain vous viens adoucier  
On meurt plus lost que on ne cuide

### La femme mignote

Pour dien quon me voile querir  
Medecin ou appoticaire  
Et comment me fault il mourir  
Jay mary de si bon affaire  
Aneaux: robes:neuf ou dir palse  
Ce morceau cy mest trop aigret  
Moult se passe tooz vainc glostre  
Femme en ses saulx meurt a regret

Sed superest meritum meum: cedem sumere dignam Optimum pro meritis. et dicitur pater  
Aspice iudicium hoc mortuorum: iudicatio tuus Domine vocat. et venit illa timenda dies



### La mort.

Doulce fille et belle pucelle  
Ne vous chaille ja de laisser  
La misere de vie mortelle  
Qui couient a chascun passer  
Car qui vouldroit bié tout trassier  
Il na leurfe narrest en lieu  
Sors son sauvement pourchasser  
Virginite plait bien a dieu

### La pucelle vierge.

En ce siecle femme ne vieult  
Ne sont pas en grant seurete  
De larmes sont souuent les yeult  
Plains pour ennuy ou pourete  
Se on a vne soyeuseete  
Il vient apres quinze doleurs  
Pour vng bien double aduersite  
Plaisir mondain finit en pleurs


### La mort

Sous direz vous rien de nouveau  
Ma dame la theologienne  
Du testament vieult ou nouvea u  
Vous veez come le vous maine  
Et estez ja soit ancienne  
Il fait boit icy reconnoistre  
Et a bien mourir mettre peine  
Cest beaucoup q de soy cognosir

### La theologienne

Semme qui de clergie le mesme  
Pour auoit brise ou quon lessouer  
Est des morues de petit pain  
Qui est gras yeult z ne boyet goute  
Saige est qui rondelement il boute  
Et qui trop veult itauoit est bugle  
Le haulx monter souuet cher conte  
Chascun ra son fait est aveugle

Ergo time, te instrue, corrigē mentem, hiue mori pessō : Debita ferre para.  
Dum sicut et spaciū datur: ista res inque pro patria celi, qua sine fine dies.



### La mort.

Apres mouuelle marice  
Qui auz mis vostre desir  
A danser estre paree  
Pour festes z nopus choissir  
En dansant ie vous viensaisir  
Au iourdny serez mise en terre  
Mort ne vient iamais a plaisir  
Joye sen va comme feu de ferre

### La nouuelle marice

Las demy an entier na pas  
Que comence a tenir mesnage  
Par quoy si tost passer le pas  
Ne m y est pas douleur: mais raige  
Auoye desir en mariage  
De faire mons et merueilles  
Mais la mort defrop pres me charge  
Dng peu de vent abat grant fuesilles

### La mort.

Femme grosse prenez loisir  
Dentendrie a vous legierement  
Car huy mourrez cest le plaisir  
De dieu z son commandement  
Allons pas a pas bellement  
En gettant vostre cuer es cieulx  
Et nayes peur aucunement  
Dieu ne fait rien que pour le mieulx

### La femme grosse

Jauray bien petit de deduit  
De mon premier enfantement  
Si recommande a dieu le fruit  
Et mon ame pareillement  
Helas: bien culdoye autrement  
Avoir grant joye en ma gesine  
Mais tout va bien piteusement  
Fortune tost se change z fine

Non est illa dies cursus ut ista. diorum  
Est deus illa dies. Ultima nostra quies.



### La mort.

Dictez leune femme à la cruche  
Renommee bonne chamberiere  
Respondez au moins quat on huche  
Sans tenir si rude maniere  
Dous nires plus a la riuere  
Bauer au four na la fenestre  
Cest cy vostre iournee derniere  
Aussi tost meurt servant que maistre

### La mort.

Scauez vous recommanderelle  
Point vng bon lieu pour moy loger:  
J'ay bien mestier que on madresse  
Car nul ne me veult heberger  
Mais ien feray tant desloger  
Que on congnoistra mon enseigne  
Mourir fanlt pour vous abreger  
Nul ne pert que autre ne gaigne

### La chamberiere

Quoy:ma maistrelle ma promis  
Me marier z des biens faire  
Et puis si ay dautres amys  
Qui luy aideront a partaire  
H: men iray se sans riens faire  
J'en appelle on me fait tort  
Aussi ne men scauroye faire  
Deu de gens desirrent la mort

### La recommanderelle

En la mort na point damitie  
Et si ne fait riens pour requeste  
Or argent priere pitie  
Pour neant on sen cont la teste  
Qui y veult resister est bête  
La mort a nully ne complaist  
Et fault tous danser a sa fete  
Mourir couient quant a dieu plaisir

Retia sunt anime facūdia sensus honores Preter amare deū tibi nil applaudat in oībe  
Quid certas ad opes. Retia sunt anime Omnia pretereunt preter amare deum



### La mort

Ma damoiselle du bon temps  
A tout voz anciens atours  
Il est de vous en venir temps  
Nature a en do<sup>o</sup>prins son cours  
Dous ne puez viure tousiours  
Je vays deuant: venez apres  
Et ne faictes point longz seiours  
Vieilles gēs sont de la mort pres

### La vieille damoiselle

Jay volcement mon tēps passe  
Et ay me mieulx ainsi mourir  
Que recevoir ce qui est passe  
Et tant de miseres courir  
Jay veu poures gens lāgourir  
Et autres choses dont me fais  
Enfas pour biē viure z mourir  
Il nest plus grāt biē que de paix

### La mort

Femme de grant dévocation  
Cloez voz heures z matines  
Et celles contemplacion  
Car iamais nyres a matines  
Se voz prieres sont bien dignes  
Elles vous vauldront deuant dieu  
Bien ne vallent soupirs ne signes  
Bonne operacion tient lieu

### La cordeliere

Je remercie le createur  
A qui plaist de mēoyer querre  
En louant le bon redempteur  
Des biēs qui ma donne sur terre  
Aux tentacions ay eu guerre  
Qui est moult forte a demener  
Mais il aide qui veult requerre  
Seruir dieu; est viure z regner

Quoniam non est in morte qui memo: sit cui pietatis ista dies nescitur origo secundi  
In inferno autem quis confitebitur tibi an labor. an requies sic transit gloria mundi



### La mort

Semme d'accueil et amiable  
A festier gens a plante:  
Acquis avez amis de table  
Pour parler de joyeuseete:  
Le temps nest tel quil a este  
Bien ne vault icy vacabont  
Parler: qui nest que vanite  
Ceulz qui ont le bruit ont le bont

### La femme d'accueil

Aulourduy parens et amis  
Prometst et mons et merueilles  
Mais quāt voïēt quāt est bas mis  
Ils baissent trestous les oreilles  
Et sont aussi sourz come fuesilles  
Que le vēt fait voler par couples  
Et que vallent promelles telles  
Vrais nesōt pas les amis doubles

### La mort

Apres nourrice: vostre beau filz  
Nonobstant son couertouer  
Et son beau bonnet a trois filz  
Vous ne le menrez plus souer  
Deslogez vous sans delaier  
Car tous deux vo<sup>z</sup> mourrez ensemble  
Vous ne pouez plus cy targer  
La mort pret tout quāt boluy seble

### La nourrice

A cette danse fault aler  
Comme sont les prestres au seyne  
Je voulisse bien reculer  
Mais le me sēs la boce en laine  
Entre les bras: de mon alaine  
Cest enfāt meurt depidimie.  
Cest grāt pitie de mort soudaine  
Il nest qui ait heure ne demie

Ne anime peccatrici que non habet posse redeundi ad locum suum  
 Unde exiuit quia turpia opera et deslectaciones carnales impediunt  
 eius ascensum sursum



### La mort

Pas ne vous oblieray derriere  
 Venez apres moy: sa la main  
 Entendez plaisante bergiere  
 On marchande cy main a main  
 Aux chaps nires pl<sup>e</sup> soit ne main  
 Veiller brebis ne garder bestes  
 Riés ne sera de vous demain  
 Apres les veilles sont les festes

### La bergiere

Je pres congie du franc gontier  
 Que le regrette a merueilles  
 Plus naura chapeau deglantier  
 Car vecy piteuses nouvelles  
 A dieu bergiers et pastourelles  
 Et les beaux chaps q dieu fit croistre  
 A dieu fleurs: z roses vermeilles  
 Il fault tous obeir au maistre

### La mort

Apres poure vieille aux potées  
 Qui ne vous pones soustenir  
 Cy bas nauez pas voz plaisirces:  
 Aussi vous en conuēt venir  
 L'autre siecle est a aduenir  
 Ou pour vostre mal z misere  
 Poues a grant bié paruenir  
 Dieu recompêse tout en gloire

### La feme aux potées

De vieillesse ne voy mais goutte  
 Par quoy ne crains gueres lamore  
 Dix ans ya que iay la goutte  
 Et maladie me grefue fort  
 Mes amis ont le mien a tort  
 Et nay vaillâs deux blancs confés  
 Dieu seul est tout mon reconfort  
 Apres la pluye viêt le beau temps

b.ii.

Non ex diffinitate corporis defedatur animus. sed  
ex putredine anime defedatur corpus. Ut ait seneca



### La mort

Ha poure femme de village  
Suyues mon train sans retarder  
Plus ne védres euf ne formage  
Allez vostre panier vuidier  
Se vous avez bié sceu garder  
Pourete; pacience; et perte  
Vous en pourres moult améder  
Chascun trouuera sa deserte

### La femme de village

Je près la mort vaille que vaille  
Bien en gre et en pacience  
Frás archiers ôt pris ma poullaille  
Et eu toute ma substance fonte nac  
De poures gés nulluy nen pese  
Entre voisins na charite  
Chascù veult auoir grāt cheuâce  
Nul na cure de pouurete.


### La mort

Et vous ma dame la gourree  
Vendu avez maintz surplis  
Donc de larget estes fourree  
Et en sont voz coffres remplis  
Apres tous souhaitz accomplis  
Conuient tout laisser et bailler  
Selon la robe on fait le plis  
A tel potage tel cuiller

### La vieille

A tout mon cas bié recongnoistre.  
Je nay pas vescu sans reprocher  
Ne suis assible de mon maistre  
Comme fait coquin de sa pouche:  
J'ay souuet mis ses vins en broche  
Et la y fait despender a ma guise  
Mais maistenat la mort maproche  
Tant va le pot a leau qui brûle

Omnium mortaliū cura quis multiplicium studiorum labor exerceat diuerso  
quidem calle ad unum tamen beatitudinis finem nititur peruenire Boetius



### La mort

Approuches vous reuenderelle  
Sans plus cy faire demouree  
Vostre corps: nuyt et iour ne cesse.  
De gaigne r pour estre honnouree.  
Honneur est de poure duree  
Et le part en vng momēt deure  
Au monde na chose assurée  
Tel rit au matin qui au soir pleure.

### La reuenderelle

Jauoie hier gaignie deux escus  
Pour sourfaire subtillement:  
Mais ne scay qui les ma tollus  
Argent acquis mauueusement  
Ne fait ja bien communement  
Helas ie meurs cest d'autre metz.  
Que prestre aye hauinemēt  
Car il vault mieulx tart q'iamais

### La mort


Semme de petite value  
Mal visant en charnalite  
Mene aues vie dissolute  
Entors temps puer et este  
Aies le cuer espoente.  
Car vous seres de pres tenue  
Pour mal faire on est tourmente  
Dechie nyist quant on continue.

### La femme amoureuse,

A ce pechie me suis soubz misé  
Pour plaisir desordonnee  
Pēdus soiet ceulz qui my ont mise  
Et au mestier habandonnee  
Las se ieusse estoy bien menee.  
Et conduite premierement  
Jamais ny eusse estoy tournee.  
La fin surt le commencement,

b il.

Moli per cras cras tibi sōgas ponere melhas Per cras cras cras cras ois cōsumitur etas  
Est homo res fragilis et durās tēpore paruo Posset esse similis flori qui crescat in arvo



### La mort

Venez ca garde dacouchees  
Dresse auz maiz baingz perdus  
Et les courtines attachées  
Qui estoient beaux boucques pēdus:  
Biens y ont estez despēndus  
Tāt de motz ditz q' cest vng songe  
Qui seront apres cher vendus  
En la fin tout mal viēt en tonge.

### La garde dacouchees

Jay voiremēt drelle maiz baigz  
Pour les compères et cōmeres:  
Qui sont estez pates de coingz  
Menges, darioles, goyeres  
Tartes, et fait mille grās cheres  
Si tost quon a oste la tāble  
Il nen souviēt a nulluy guerēs  
Joye de mēger est peu durable.

### La mort

Tires vous pres gente garlette  
Bailles moy vostre bras menu  
Il fault q' sur vous la main mette  
Vostre derrain four est venu  
Mort nespargne gros ne menu  
Grāt ou petit: luy est tout vng  
Daier on doit de tant tenu  
La mort est cōmune a chascun

### La ieune fille

Haa ma mēre ie suis happee  
Decy la mort qui me transporte  
Pour dieu quō garde ma poupee  
Mes cinq pierres ma belle cote  
Qui elle vient trestout emporte  
Par le pouoir que dieu luy dōne:  
Dieux et leunes de toute sorte  
Tout viēt de dieu tout y retourne,

Quid fetidius humano cadavere. quid horribilis femina mortua? Quis  
gratissimus erat amplexus in vita molestus est talis aspectus in morte



### La morte.

Sur mes mon train religieuse  
De voz fais conuient rendre compte  
Se point nauez este piteuse  
Aux poures: ce vous sera bonte  
En paradis point on ne monte  
Sors par degréz de charite  
Entendes bien a vostre compte  
Tout ce quon fait y est compte

### La religieuse

Jay fait par tout ce que jay peu  
Aux poures selon leur venue  
Les malades pensez repeu  
Non si bien que iestoye tenue  
Mais se faulte il eut aduenue  
Dieu me pardonne la defaillle  
Sa grace tousiours retenué  
Si neul si iuste qui ne faille

### La morte.

Oyez oyez: on vous fait scauoir  
Que ceste vseille sorciere  
A fait mourir et deceuoir  
Plusieurs gens en mainte maniere  
Et condânee comme meurtriere  
A mourir ne vura plns gatre  
Je la maine en son cymitiere  
Cest belle chose de bien faire

### La sorciere

Mes bounes gens ayes pitle  
De moy: et toute pecheresse  
Et me donnez par amitie  
Don de patenostre ou de messe  
Jay fait du mal en ma feunelle  
Dont icy achete la prune  
Si pries dieu que lame adresse  
Qui ne peut contre sa fortune

Si quis sentieret quo tendit et Unde Veniret  
Quicq; gauderet sed omni tempore ficeret



### La mort.

Dieu a yme bien femmes deuotes  
Qui ont consciences nettes  
Et hait sur tout ses bigotes  
Aux chaperons sans cornetes  
Come aucunes seurs colletes  
Lesquelles par ypocrisie  
En secretz pechez sont infectes  
Devant dieu z sa compaignie

### La bigote.

Pour verite me suis monstre  
Souuent meilleur que ie nestoye  
Aucunefois bien desiennee  
Gaisant semblat que ie leunoye  
Et de ma bouche barbetoye  
Sans dire ne mot ne lettre  
Je pry a dieu quen bonne voye  
Dlaise ma poure ame mettre

### La mort.

Sus fost margot venez avant  
Estes vous maintenant derriere  
Vous deussiez ja estre devant  
Et danser toute la premiere  
Quel contenance:quel maniere  
Ou est vostre fille marote  
Ne vault faire cy melgre chiere  
Car cest vostre derniere note

### La lotte.

Entre vous coinctes z iolies  
Femmes oyez que ie vous dis  
Laissez a heure voz folies  
Car vous mourrez sans contredic  
Si lay ne mesfais ne melsdis  
A ceulz qui demeurent pardon  
Requierz et a dieu paradis  
Demander ne puis plus beandon

Detribus hic donor. Ut placet in longum vite spem temporis auge  
 et sic ostendere conor. Ex nichilo nichilum mox erit atq; nichil.  
 Qualiter hic ponor. Mille fuere vici missi milia mille  
 ponitur omnis honor. Corpus humo putravit: nomine fama caret.



### La royne morte

Je estoye royne couronnee  
 Plus que autre doublee z crainte  
 Qui suis icy aux vers donnee  
 Apres que de mort fus attainte  
 Sur la terre ie suis contrainte  
 Destre couchee a la renuerse  
 Pour quoy est dure ma complainte  
 Bien charie droit qui ne verre

### Lacteur

O vous seigneurs z aussi dames  
 Qui contemplez ceste peinture  
 Plaise vous prier pour les ames  
 Des eulx qui sont en sepulture  
 De mort neschappe creature  
 Allez: venez: apres monrres  
 Ceste vie quun bien peu ne dure  
 Faict es bien vous le trouveres

Prenez y qui me regardez  
 Exemple: pour vostre prouffit  
 Et de mal faire vous gardes  
 Je nen dis plus si me souffrit  
 Si non: car celuy qui vous fit  
 Quant il vouldra vous defera  
 Defais estiez quant vous refit  
 Qui bien sera bien trounera

Jadis furent comme vous estes  
 Qui ainsi dansent en facon telle  
 Allans parlans comme vous faites  
 De gens mors il nest plus nouuelle  
 Ne il nen chault dune senelle  
 Aux hoirs ne amis des trespasses  
 Mais quilz a yenit argent z vaisselle  
 Ayes de Ulx pitie: cest asse.

**C**quis que ainsi est que la mort soit certaine  
Plus que autre rien terrible z douloureuse  
Et que chose ne peut estre incertaine  
Quis que en est leure horrible z angoyseuse  
Et soit si briefue z par tant perilleuse  
Las nostre vie en cest valz miserable  
Il mest aduis pour le plus conuenable  
Que nous deuons du tout entierement  
Mettre soub pte ce monde decepuable  
Pour bien mourir et vivre longuement



**D**elaissier doit toute loye mondaine  
Et mener vie humble z religieuse  
Qui monter veult a la tressonneraine  
Cite des cieulx qui tant est glorieuse  
La contempler doit tousiours lame eureuse  
Qui ayme dieu z hait enure de diable  
Suirer les bons estre a tous charitable  
Soy confessier souuent deuotement  
Et melle ouyr qui tant est proufitable  
Pour bien mourir et vivre longuement

**T**rōp sabusé homme quis demaine  
Orgueil en lux et vie ambicieuse  
Quant il icet bien que la mort tout emmaire  
Qui vient souuent soudaine z merueilleuse  
Mais doit penser la passion piteuse  
Du redempteur et la peine doutable  
Denser sans fin qui est inenarrable  
Le iour hatif du dinain iugement  
Et ses pechez: comme laige z notable  
Pour bien mourir et vivre longuement

**M**ortelle femme : z ame raisonnable  
Se apres ne veulx mort estre damnable  
Tu dois le iour vne foys seulement  
Penser du moins ta fin abominable  
Pour bien mourir et vivre longuement

¶ Je congois que dieu ma forme  
Et fait en sa digne semblance  
Je congois que dieu ma donne  
A me sens vie et congoissance  
Je congois qua iuste balance  
Selon mes fais iuge seray  
Je cognois moult mais se ne scay  
Congoistre dont vient la folie  
Que le scay bien que le mourray  
Et si namende point ma vie

¶ Je congois en quel pourete  
vins sur terre et n as qui denfance  
je cognois que dieu ma prest  
taine de biens en grant habodace  
je congois qu auoir ne cheuance  
aucques moy nemporteray  
je congois que t at plus auray  
plus dolent mourray en partie  
je congois tout cecy pour dray  
et si namende point ma vie

¶ Je congois que l ay la passe  
et t at part de mes iours s as doabtace  
je cognois que l ay amasse  
pechez et fait peu penitence  
je congois que par ignorance  
excuser se ne me pourray  
je cognois que trop tart vediay  
quant lame sera departie  
pour dire le mamenderay  
et si namende point ma vie

¶ Prince se suis en grant esmay  
de moy qui les autres chastie  
et moy mesmes le pire fay  
et si namende point ma vie



Et cum aperuisset sigillum quartum Audiuī vocem quarti animalis. dicentis.  
Deni et Dids. Et ecce equus pallidus et qui sedebat super eum nomen illi mors et  
infernus sequebatur eum. Et data est illi potestas super quattuor partes terre  
interficere gladio. fame. et morte. Apocalipsis quarto capitulo. Quoniam non  
est in morte qui memor sit tui in inferno autem quis confitebitur tibi.



**S**ur ce cheual hideux et palle  
La mort suis: fierement assise  
Il nest beaulte que ie ne haale  
Soit vermeille ou blanche ou bise  
Mon cheual court comme la vesse  
Et en courant mort rue et trappe  
Et ie tue tout. Car cest ma guise  
To<sup>o</sup> viuās trebuchēt en ma trappe

**J**e passe par mons et par vaulx  
Sans tenir ne voie ne sente  
Je prens par villes et chasteaulx  
Mon tribu mon cens ma rente.  
Sans donner delay nattente  
ne iour. ny heure. ne demie  
Deuāt moy fault quon se presēte  
A tous viuans le tok la vie.

**E**nfer scalt bien quel tuerie  
Je fais de gens. car pas a pas  
Me suit. Et de ma Boucherie  
Anas lan fais maint gros repas:  
Quant ie besoingne il ne dort pas  
Par moy attens que proise anra  
Daucūs qui ne sen doutent pas  
Sen garde qui garder vouldra

**E**ncor me luyt raison pour quoy  
De ceulz qui meurēt de mon dart  
Et sont sans nombre: Croies moy:  
Car il en a la plus grant part  
Paradis nen a mie le quart  
Ne la disme on luy seroit tort  
Grant. sil nauoit tout au plus tart  
Lomme pescheur quant il est mort

¶ Je considere ma pouure humaine  
Et come en pleur pre nier nasqui sur terre  
¶ Je considere moult ma fragilité  
Et mon peche qui trop le cuer me serre  
¶ Je considere que mort me viendra querre  
Je ne scay l'heure, pour me tollir la vie  
¶ Je considere que lenemy mespie  
La chair de monde, me guerroie et si tressort  
¶ Je considere que cest tout par envie  
Pour moy liurer sans fin de mort a mort



¶ Je considere les tribulacions  
De ce vil siecle dont la vie nest pas necte  
¶ Je considere cent mille passions  
Qui poure humaine creature est subiecte  
¶ Je considere la sentence parfaicte  
Du vray iuge faicte sur bons et mauux  
¶ Je considere tant plus vis que pis vauyx  
Dont conscience biè souuent me remort  
¶ Je considere des damnes les deffaix  
Qui sont liures sans fin de mort a mort

¶ Je considere que les vers mangeront  
Mon dolet corps cest chose esponctable  
¶ Je considere las pecheurs que feront  
Quant le viendra le iugement doutable  
¶ O doulce vierge sur toutes delectable  
Ayez mercy de moy celle journee  
Qui tant sera merveilleuse et doublée  
Et ma poure ame conduisez a droit port  
Car a vous seule du cuer le lay vouee  
Pour la defendre sans fin de mort a mort

¶ Prince du ciel vostre humble creature  
Nous cry mercy pour faire son accord  
Et de la veine qui atousiours mais dure  
La defendez sans fin de mort a mort



y finist la danse macabre des fēmes  
toute hystorice et augmētee de plus  
seurs personnages et beaux dictz en

latin et francoys. Imprimée  
A Paris par Guyot Marchant  
demonant ou grant hostel du champ  
gaillard derrier le collège de nauarre

l'an de grace mil quatre cens quatre vingz et unze  
Le second iour de may

